




泰泉集

元



泰泉集序



平湖屠應竣撰

夫詩人聲之精者也志感物而
氣宣音比律而節會言該有象
思入無垠變化協天地之章情
狀接鬼神之神秘摘草木之賁藻

鸞鳥獸之麗文寄興乎風雲舒
嘯于溪谷雖巨細殊揆而神理
同原如瑤光火齊不施以丹堊
縣藜結綵不繪以銀黃雪煜含
暉燿燁吐曜乃性情之極致而
道德之流行也迨夫排比作而

大義乖雌黃勝而遺響絕雕玉
騁巧飾羽眩奇晉魏以還大雅
不作浸淫建于陳隋侈靡日流
六義總廢綜華究實中盛于唐
后有作者則以唐為宗矣
明興統一經術詩道未振而緝

熙藝苑朝不乏人至成化弘治
間寓內晏寧協氣充瀟薦紳先
生得以沐浴膏潤枕籍圖書聞
蹟抽玄嚼腴絢質反衰世之絕
軌彰熙洽之懿休纏纏洋洋天
下靡然興于詩云于時學者率

祖杜氏近乃崇尚初唐而彼此
互觀粲焉彪煥譬則椒蘭菌桂
殊榮異質而各颺其馥球琳弘
璧錯陳間列而各擅其精不朽
之傳埃諸所好豈不猶今哉泰
泉黃子名佐字才伯以嶺表之

秀弱冠登庸操琯麟臺蜚英玉
署才致超越有雲霄之譽久矣
旣乃反駕碧山濡醇羣籍龍吟
瓊海鳳矯羅浮發之聲詩會詮
條貫觀其五七言近體雄深麗
逸旨遠格精足以入室王揚升

堂李杜至于賦樂府古詩兼總
古今旁通音調端方入矩圓融
出規殆憑軾而馳漢魏結轡以
馭風騷也夫其以冲曠絕塵之
思閱肆博物之詞大者該九閔
遠者披八紘高者擊膠葛之上

序
四
細者析秋毫之內利若刺刃光
如連貝辯合懸河捷擬遺風調
六間于黃鐘齊九莖于大籥霓
電激光乎青几咸夏作聲于素
札可謂學林之鉅匠昭代之名
家矣昔唐盛時張文獻公九齡

亦奮迹五嶺倡雅中朝峻節徽
文為世名相典刑靡爽遺集具
存即泰泉子所著體裁無減而
篇什之富過之今方視篆南扉
羽儀

東禁他日列位台衡勒銘彝鼎

宣經營之休問播雅頌之元聲
以黼黻大猷襄潤鴻業豈徒儲
芳于尺梓銳意于空言哉集凡
十卷其門人李君時行尹澍之
嘉興因携刻之屬予為序泰泉
子于翰苑為先輩嗣又並官宮

窠子歸卧山中心所嚮往究觀
終帙叙諸簡端世固有以予為
知言者爾嘉靖壬寅秋八月朔

恭泉集叙

奉勅提督學棧中順大夫廣東按察司副使節翰誓齋吳霖

余不佞少習尚書攻舉子業莫知詩
所繇興第聞諸長老言詩自孔子刪
後學士大夫慕古類不逮李白云大
雅久不作吾哀竟誰陳是也夫古今
人不相及匪時勢固然學者不能攝

理性情務趨瞻博工綺麗枝葉煩而
根實斲故其詞語纖縟趣味無可咀
嚼彼三百篇王化之遺也而多出於
閭里細民婦人女子彼亦何師授誦
說哉樂不淫哀不傷其至焉然有小
大止變不同亦皆由衷之發無勉強
造作故吟詠反覆動人深長思爾志

復古者當如何本諸性情而已矣性
情中和而已矣中和亦善養以還吾
本體而已矣豈有他哉雖然豈易言
哉侍讀秦泉先生自髻鬣即以奇雋
名一時貴人折節下之其所爲文傳
誦海內及登甲第入翰林遂袞然爲
詞園冠宗工鉅匠歛衽畏慕才志之

士爭執鞭恐后辛丑余宦遊入廣先生不鄙棄過余論文余以所聞長老言質之先生曰夫文有禮樂焉自其秩然有節度者為禮自其鏗然有聲響者為樂夫禮理也中之謂也樂樂也和之謂也公所得深矣然非吾心之中和又安有是禮樂哉故曰人而

不仁如禮何人而不仁如樂何於虜公所得深矣一日庠生霍喬輩携先生詩二帙見余余方歆望先生亟取讀之諸體咸備然各沉蓄蘊藉不事聲色而精華炯炯若有遏之益光塞之逾溢者位置整嚴音韻諧協而一段真味古澹淵永如太羹玄酒商彝

周鼎又當自得於規矩準繩鏗鏘動
盪之外且其愛不忘規忠寓以諷憫
時歎世撫已酬物雖意已獨至而溫
柔優厚絕無圭角謂公性情中和之
養有素而禮樂自尔流布顯洩不然
哉昔人論作詩之法至元為多如揭
曼碩五事之議謂養性以立詩本讀

書以厚詩資識詩體於源委正變之
餘求詩味於鹽梅薑桂之表運詩妙
於舞蹈遊戲之境似得古人肯綮而
又推廣之者要其言果是則惟先生
足以當之古詩復見豈非斯世人文
之大幸哉先生志行醇飭所植立甚
厚不輕與人交一語不苟出今詩特

其端緒稍稍外見耳亦非所謂有德者有言耶先生名位日盛行將左右天子興禮樂以位天地育萬物而淳熙雍穆之化殆復見矣詩之復古又豈足云李進士將赴嘉禾告余欲梓傳以序請余謏劣何知太史氏有言高山仰止景行行止雖不能至心切

嚮往焉遂序之李進士名時行蓋學先生而有得者詩五七言古風近體律絕句若干首摠爲十卷云嘉靖壬寅三月朔書于藥洲外館



泰泉集序

余少則聞今天下有黃泰泉先生先生
嶺南既入史館尋復歸泰泉山中及起掌
翰留院余獲遂覲見先生出斯集授余序
之余諷讀既久乃作序曰蓋觀天運羣動
地效萬形玄化應感莫疾乎風風之爲用
大矣哉是故先王作樂以宣之夫詩樂也

然寓言喻志巽入默移豈直樂云夫固所
以爲風也烝民南薰卿雲江水遐哉藐乎
厥義迥矣迨周太史采陳以觀生仲尼刪
述以經世至今三百篇與易書並訓懲勸
蓋特深焉漢魏以降藝軌爭馳文質偏勝
唐人獨尚作者彬彬開元天寶號稱極盛
然已不逮元鼎黃初其去前古則逾遠矣

宋元名家大都韻文風義浸微詎能動物
迨我 明初高楊詩人沿襲勝國莫闡王
猷際茲昌辰亦何取於綺靡邪弘德以還
宣湮通畜振藻揚芳時則有二李何徐樹
聲藝林風流寓內然長沙逞才其究則近
關西擬古其究則易信陽推類其究則弱
長洲精詣其究則促雖亦文章之巨觀終

序
難與乎風雅之極致也泰泉粹質殊才貞
志玄德博綜丘墳窮超往烈發沉鬱之思
協聲氣之元參體互變運括盡神真足以
刊數代橫八紘洋洋乎與邃古同流矣謂
爲造化含生振起淪溺以爲世風者非邪
然則斯集也獨無重繫乎哉先生著作種
種余之今序序其詩耳其諸載在金匱石

室藏諸高山大川尚庶見之俾天下後世
述焉

嘉靖歲壬寅夏四月既望南京吏部考功
主事武進薛應旂謹序

泰泉集

甲

讀

書

嶺南黃佐才伯甫

賦

乾清宮賦有序

在昔司馬相如揚雄之徒倡為辭賦蜚英有漢大氏鋪采體物協韻成文主於諷上不為徒作使誦之者矢口而易颺聽之者感聲而自入雖分流自詩而不煩詠歎觸類致情其裨益弘矣昭代文章盛於末宣之間時則有

若州守陳璉黷生金寔輩皆緣獻賦而獲晉
錫其意惟以摘藻寫志潤色鴻猷初非托諷
爲也惜夫體倣靈均法追唐宋流風所襲談
及漢賦則遜謝不遑使詘志爲之未有不允
豫奪常者矣正德辛巳佐獲厠詞林適乾清
宮告成承命作賦竊不自量剽撫馬揚鎔裁
文考質于扈閣銓評至再而後成篇顧辭旨
雖陋而事關化原蓋乾坤儷德制隆於上林
河東而神明依憑又非魯靈光之可擬以故
不敢不慎云其辭曰

丕鑠維明帝睠鴻德遙寧寰區 烈祖受之
宅離作都秉粹精以靈承握隆禧之昌符
文皇振業依黔羸而奠辰樞繚瀛廓穹肇此
天居粵乾清之祕宮揔玄黃之噴薄何富媪
之蘊靈竢定鼎而後獲洎龜謀之襲契濶太
紫以營敷蓋以䟽明淪聰儲神習體軼煩惱
而游冲漠者也稽諸邃古合宮象乎紫微逮
幽房之有壺而成周燕寢之所儀九筵五雉

於皇拓之既普而深亦屢且彌匪維宴娛日
監在茲湫漶膏霏之中於以敬陟降而崇緝
熙建休號以詒燕謀蓋亦已百有餘朞矣越
閏逢闔茂之歲赤燦章怒鬱攸孔震結構塗
涌氛禳徹旻豈椽人之嫁靈將蕩舊而布新
詔司空而僞工走群靈而驅八神斲石則無
閭不周之岷掄材則荆揚岷峨之阻輓修綽
則山善稠敷伐輪困則雷闐邪許驥駢駘
淫淫與與揮汗爲瀦慧日成暑陶埴鍛厲之

屬莫不舛分其曹伍於是乎揆日畧驗星文
陳圭臬繫廣輪宗伯獻模林衡效勤馨聲歛
岳鋪徒篲雲擾人司墜匪慶揮斤約築削屢
子來以趣役者虎躍而霆奔旣廼考工咳計
以萬雕摩維精賁輪飾奐絢然陽化爍爾陰
泮效真巧於大鈞雖鬼神其猶憚故其爲狀
也豐融曼衍揭孽崢嶸縵縵莫莫樛流交嬰
邈岑隆以閔壯亘砰磷而靖冥啟啟赫以歲
魄儵康良而齋停岩堯犴于天漢紛攢羅而

混成環殊倣儻不可殫形况兮忽兮撒膠葛
騰九閔接耀魄之威神幹璇璣而緯高明
蹠躡以輻蟄魂悚悚其若驚爾乃登泰階之
三重遵軌涂之盤曲鈎陳縱縱以匡衛閣道
駸駸而延屬印而詹之若燭龍之蜿蟺引扶
兗而噴若木瀕而履之若巨鰲之扇鼉運九
垓而苞百谷團殿般般以離立珠煇黃以相
燭函網緼之元氣又何有乎墜黷彼曾城與
縣圃昔傳聞而今駭囑其上則觚稜高標合

爵翹翹琉璃鱗鱗劃霓摩霄織烏顧兔出没
扶搖屹華表以縈旬始莅颺擢乎斗杓簷牙
翔而阿雷奮絕浮景而翻碧冪其下則釳砌
瑤礎右平左城承以峻基廣以夷石盤以蛟
螭塗以朱碧華若崑崙鎮奠南極崩劣繪綾
磴磴即即其中則縣縣房植耽耽層覆梅梁
揭宇藻井承漏博櫺柵林修椽曲校飛椽浮
柱支撐環句題鄂衝蕤以霞張楠棟嬋婀而
電糾傍天矯以紺間漣沛艾以赳嗅上飀麗

以互經下出歛而騰湊玉繩倚扼於奧宦瑤
光燼朗於宓牖轉稜度闕躡略鴻溶網戶翠
錢金鋪瑣窻五采爭勝流煙走虹壁門洞開
璀璨玲瓏流蘇縣璫招搖從風文鏡曲瓊燁
燁雍雍鼉采夜光之飾與灝氣而相通誅蕩
蕩以宰豁忽眴眴而冥濛采五城而張六幕
終紛負而莫窮其外則輦路纏繚垣周迴
複道遐阪達于平臺玄厲黃磧間以玫瑰苑
苑葱蒨垂楊大榭朮巷迤邐是爲揔街乃顧

二門業業將將日精月華左右相望鬱儀望
舒駐轡而驟重闌逾延開闔陰陽試舉其名
則維百福與千祥杏騁驚以窳窳齊步欄而
攀夫梁於後則坤寧噦噦含貞符矩位正玄
枵星躔婺女抗虹扶棟鑿翠開籥四榮雲謫
萬拱菱杼玉祀金釭鵬騫鳳舉儷我宸極以
爲內主若迺清寧仰戴慈顏黔于黃祗倬彼
玄間朝以棕殿問寢承歡凰儀所御中建欽
安左有延祺鍾粹毓德右有啓祥降禧景仁

以至長春百花諸宇則又儲靡曼而列幽閒
衝風颺乎闕幕散或或之椒蘭紅繡績與機
杼儼河鼓之天孫函菱蕪以晞日珩瑀曼乎
珊珊樹螽斯與麟趾司啓閉于掖垣爰設六
尚以掌九室冠袍鞞鞞其儀有似彤瑄煒煌
伊違斯弼敘進御之條紀恒授環而戒逸銘
繁鑑以昭警司精微於密勿爾迺煖殿弘敞
青軒彤墀帳設甲乙翠被絳旒霍落簾櫳罨
畫罨思循除而架有苑有籓盃頂重檠檠牙

峿施方亭曲榭獸鑰陔陔西千嬰而東百子
乃俯瞰乎清池游儵澹澹汎淡漣漪鳴鳧翔
鵠頡頏栖遲植芍藥與芙蓉瑤草莽乎萋萋
監宮鸛立以企幸賤蚪幄而睨龍旗挈壺之
設于彼外闈蓮燈虬漏貯水運機偶神按候
與天弗違鷓沼鵲樓黎旭熹微鼓登析應鷄
人嘑旦蟲飛而會盈燎輝而色辨天子乃
駕鸞蓋鏗鯨鍾清黃道出紫宮端門載啓執
法當中左掖右掖星拱雲從羽林森森而就

次旄頭髯若其蒙茸自三能而逮郎位莫不
矢心於重瞳明庭景晏玉未遑食庶采旣臚
乃還宮而定息猶糾虔乎天刑夕惕厲乎袞
職守琬琰之彝章鋪鴻藻而立極誕茲宮之
成也 聖神聿興時維綴旒信帝心之簡在
用迓德而彰景休皇輿發迹乎郢甸鳴玉鸞
之啾啾歌斯干以考室非鬼神而孰謀軫民
役之勞疚邛 先后之懿猷盖奕奕欵欵抗
抗如也於是亦幕宵縣緹帷宿設雲構呀赫

登降詘折龍超虎視遠瞻近管披撻奇妙規
矩相汁神移天運俞哉匠哲夔牢籠乎宇宙
挹三辰而可擷山川瑣尾而在下九野鏗鏗
而昭晰威靈旁魄而四塞規萬世而妥洪業
乃念 宣廟圖揭函風稼穡艱難景卑心融
乃念 敬考調元習靜光祚思賢未言顯聖
是以服閑邪之烟戒體慎獨之徽言追往初
之遐躅襲得一之自然日出王與游衍恒對
越乎昊天昧爽兢兢而練要蓋冥心乎馮翼

之先於是乎革弊政尚仁厚興禮樂韜甲冑
振幽滯揚側陋資九扈禮三壽乃郊上玄以
昭在宥聲從海流澤與霖究覆露入於毫芒
猶闔懾而敷茂慶霄揆而嘉穀穎顯饗習之
純祐然猶嘆其休烈愁謂小康斥去音表以
謹怠荒邈大隗而問道誦丹書而自彊攬日
月以爲明摘雲漢以辯章前蜚庶以渙號後
號屏使服箱靡握譽而爲綢旌濛頊而慘昌
允驅豐隆與列缺砰震曜乎鬼方未合德乎

泰清絃六合而爲綱諄曰灑灑奧區相曠緝
麗庥神靈兮睢睢盱盱泛泛滇滇連廣廷兮
戴盆掩袂晞天障日紛萬情兮維皇建極維
聖存誠剴天經兮婣約脂韋玄潛瘞隙洞蘖
萌兮沕瀟曼羨錫胤隕祉佻頌聲兮時乘六
龍昭受休嘉億斯齡兮

泰泉集

四言古詩

登歌三首

乙

油油翕雲維龍之朋君子來思球瑟和鳴和
 鳴鼓庸篚帛既共式愉式誨君子攸躬○油
 油翕雲維龍之適君子來思鼓瑟鳴球德輝
 孔周云胡曾不我留飲此芳醕俾我昭受爾
 休○油油翕雲維龍之光君子來思球瑟鏘
 鏘球瑟鏘鏘匪曰大康飲此芳醕以俾我尚于中行

翕雲三章章八句黃鐘清宮俗呼正宮

驅馬滔滔遵彼林臯匪遊以遨將命靡竣我
心怵怵○驅馬滔滔戒我徒旅匪遊以遨將
命靡竣豈求寧宇○悠悠彼鱣叶音尖載浮載
潛亦炤于潭將命靡竣父于何瞻○離離彼
翟叶音支載鳴載飛亦集于車將命靡竣毋于
何依○駕彼乘牡夙夜孔皆匪遊以遨念我
二人歌以告懷

驅馬五章章五句黃鐘清宮俗呼正宮

彼爾有棠敷賁于稷音及焯焯輶車邁如弗克
○我車徂丘六轡旣柔夙夜其勤爰諏于郊
○我車徂岵六轡如組夙夜其勤爰謀于野
○我車徂薄六轡如濯夙夜其勤爰度于國
○我車徂宮六轡旣雍夙夜其勤爰詢于公
彼爾有棠五章章四句黃鐘清宮俗呼正宮

孟冬 親享禮成有述

天睠有明全付寰宇蒼精洞炤黃壚孔膺
三極薦馨百祗協矩 列聖受之靈承于旅

御曆執符率循倫序 皇帝敷聖克配舜禹
河澄獻瑞虹流燭渚龍飛虎變奮跡南楚躬
發人文志蘊神武 親以孝崇民以仁煦望
日就雲有晞匪賄紹我 毅皇光于烈祖敷
天之下歡謳忭舞慶宵葱蒨宸景矚旰更化
啻新主敬作所休否成泰亨屯幹蠱如彼巨
室飭厥藻芥如彼天道以涼代暑 皇帝篤
友翼室哀素遺大投艱創深痛鉅 康陵告
竣乃正 當宁乃於孟冬乃卜乃簿乃謀乃

惟乃集有瞽乃陳廣樂享七廟主虞業崇牙
乃縣乃樹箛篥琴瑟應田祝啟欽欽維庸逢
逢維鼓作鱗儀鳳吼鯨動虞鏜鏜錡錡匪淫
匪怒佾舞洋洋拜伏昂俯旣備旣調旣戛旣
拊大樂展奏旣協雅部 皇帝乃駕齋宮往
梧周廬星列閣道宵杼中貂肅隊金吾設鹵
千官景從接珪聯組龍旂雲麗鳳蓋霞舉和
鸞韻風旭旭許許亦旣戒止殫我丹腑維精
維誠神若可覩赫赫彤嚮悅悅笑語左右贊

相將事黎睹揭虔妥靈孰敢有侮奉璋具鬯
濯鼎及卣亦有藉茅大羨玄酒有梁有秬有
稷有黍陳彼巨豆大房鴻俎牯脯醢醢脾臠
及鮪醜鹿維多載有魚鼈羽 皇帝乃奠盤辟
拜頰有祝伊弁稽首覩護會精思成灌我清
醕神其來止歆我簋簠陟降左右昭穆萃聚
神其歸止祥飈靈雨雲輿紆徐星驥容與充
景繽紛絳霄翔栩 皇帝孝謹拜受神胙神
錫 皇帝千祥百嘏室家之壺眉壽黃耆執

冒端委作民父母於萬斯年末有中土神錫
皇帝股肱心膂翼以臯夔從以周呂納謀和
衷同德夾輔於萬斯年匹休扶珣神錫 皇
帝豐年亾窶懷懷瑞麥與與祥櫓陳紅相因
克滿倉庾於萬斯年下民奠處神錫 皇帝
聰明中度天臨海鏡賢登佞去消彼獮狝鑿
齒契綸於萬斯年無有嚙咻神錫 皇帝福女
母拒於萬斯年末其福女 皇帝孝謹拜受
神祚懷福載歸詹戀堂廡采薺奏節言旋禁

籙出御端門賜群臣脯徽儀熙穆從容燕譽
如天之澤如露之渥萬國同慶龍德斯普於
萬斯年孝享受祜於萬斯年埏垓順叙於萬
斯年有明之緒微臣作詩用繼商魯

短歌行送洪子玉方

秋露載晞朔雪云飞盍簪詎幾駕言駢駢肅
彼前旌奏此和鈴風駮翼人逝如流星今夕
同堂明發異鄉何以別子驪歌鸞觴林踈壑
清山空鳥鳴風吹斷蓬與客徂征子在在燕

冽冽寒泉撓不可濁其流爲川子在在浙寒
泉冽冽思子如濯中心孔熱石田碌碌逋稅
斯督云誰之故空其梓柚原則有杉隰則有
藍糟糠裋褐饑寒所甘

古樂府

饒歌二十二首

正德十有五年秋宗室以寧叛殲于
九江歸于豫章就俘將告于甸人

皇帝猶自將討之以將軍泰爲副游擊將軍

杉閣人忠前驅所至無不雷驚雲駭
者七萃之士靡不懷歸臣佐謹撰鏡
歌冀有聞焉

朱鷺姚以般從以孔蓋車班班北至榆林南
踰淮之水駕之日千里鷺飛得飛止茄下游
魚頰其尾 皇帝飲酒愷樂壽無極

朱鷺一章十一句

思悲翁梟子雄美人夢翁也從天以來下悲
翁之來神靈雨子朝以飛暮何於處猗嗟嗟

松柏蕭蕭秦陵樹

思悲翁一章十句

艾如張羅畢以羅雀飛避旃將誰何雀以飛
羅雁之鉦鐻何以爲嗟將問誰又何以爲嗟
此者誰卿道不鼓絕聲白雲上天日月其明
艾如張一章十三句

上之回大驅馬汗霑野草百里赭行以北美
人從不駕舍行以南美人泣不旋駕左平虜
右寫亦豫章率服威武誰與敵

上之回一章十四句

擁離在朱巷珂馬避之誰者往前有宮殿
誅蕩蕩箭火飛從天門道傍謳者野遊盤萬年
行樂誰不歡

擁離一章七句

戰城南分戰疆運握竒陳八方鎧甲紛負衷
土黃龍江之水洪湯湯馬得飲之人不敢嘗
馘囚卿晨解其縛犒以錢刀暮用為樂願為
忠臣死報國

戰城南一章十二句

巫山高高若何淮水遶之不可以過驪驄父
馬錦障泥我欲渡之徘徊而驕嘶陽臺有女
居迷樓愛而不見烟雲愁胃有蟣虱戶有蚍
賊嗟我行役今還歸

巫山高一章十三句

上陵以遊遨下津駐旌旄問君從何來來從
朔方渡淮濠軫獵為君車駕以赭白馬鼓聲
琅琅漏初下手格飛禽血四洒戶寐而訛絕

行者宮監盱駭走且僵王盤薦食君莫嘗當
天鳴鏑射兔徼須臾白日出東方

上陵一章十三句

將進酒君莫辭何以侑之虎揆思薦嘉穀陳
雅詩群桀旣翦江無螭時邁其德隆天基

將進酒一章七句

君馬黃臣馬玄狹斜相逢不敢前黃馬馳玄
馬逐後歎沙前歎玉副以江許翼兩張翩翩
倏如流電允周有穆滿今 聖皇君臣布德

周萬方

君馬黃一章十一句

芳樹生蘭池華葉何芬敷鸞凰去之栖者烏
惜我西秦氏家有蕩子焉爲夫烏乳且哺生
有雖嗟嗟蹇爾胡乃無 帝何爾惜金僕姑

芳樹一章八句

有所思思我 母慈身上錦襦襜母身清寧
壽以眉日夜要褼之於今化爲緇嗟我乃多
攜離水流東海歸何時嗟我會面安可知晨

卷之三
五
雞鳴鳴不已東方明星杳動地照我驅馳走
千里

有所思一章十三句

雉子班行可思雄求山梁雌從之羽短何繇
飛流宕原澤中雉子雒以遨翁孺知之思美
其膏曰龍化魚雁彼豫且視子所止乃非丘
隅謂之載之我有車雉子去我將安所如

雉子班一章十五句

聖人出龍翩翩美人出以管絃千旌萬騎維
哉紛四家從以部領軍舞劔浮白觴我鎮國
陳秘戲樂復樂

聖人出一章十句

上邪下狹山童不可獵射龜向江江水竭願
皇垂拱開明堂鋪仁獲政和陰陽千秋萬歲
長樂康

上邪一章六句

臨高臺望泗與淮言采其芑于水涯誰其殖
之感我懷奮戎東南逖以北無以逸欲臨萬

國生民何依依我德 皇祖在天敬哉有赫

臨高臺一章九句

遠如期駕馬以出門咫尺步不可知林有虺水
有蜮短狐封狼肉人以爲糜萬里吁可悲有
扶之杜喬其枝 皇人壽穀今旋師

遠如期一章十句

石流江怒烏龍萬斛不可以渡江怒石流萬
斛烏龍不可以浮神惟隕突衛 皇蹕 皇
潛以躍躍復出於萬斯年保貞吉

石流一章九句

務成昭惟唐堯欽明秉德群后朝建禮縵縵
歌慶霄屈軼在廷豐不彫茅茨土堦以逍遙
望雲就日誰敢驕

唐堯一章七句

玄雲油油北風肅肅震電曄曄拔大木雪雹
須臾及牛腹驅車隨 鑾走折軸關弓射天
中鴻鵠酌金叵羅奏蕃曲

玄雲一章七句

伯益虞有虞智周百物禽用三驅無爲而治
求終譽 皇帝孔武徒手搏彫虎去其爪以
蹲頰腓 皇于後寔率舞猗 皇之勇駭萬
人山川寧鳥獸馴

伯益一章十句

釣竿何珊珊不如罟網賢 鱖鯉何筵筵不如
鮪與鱣網罟一舉獲者千彼鮪與鱣潛深淵
嗟鱣與鮪終棄捐金瓢進 御烹小鮮堯離
騶呼 壽萬年

釣竿一章九句

樂府四首

少宰燕泉公奉使四圖曰職方使邊
曰汴省旬宣曰大僕考牧曰滇南巡
撫詠者類多歆豔愚獨以爲正德嘗
公賦半潤權屋輪蹄將徧天下仕其
時而莫省憂者非大臣也體公志造
茲四曲以備今樂府非故肆躩以求
異云

關塞曲

關塞長關塞長引弓鳴鏑秋草黃臨交河望
金微風吹沙作浮雲飛詔期門馳羽書韋韝
索辯辭穹廬惟職方貫利同輜軒駸駸川原
中撫長劔行路難有何者烏苑于弁搏雕虎
接飛猱登頓濡跡安足勞徵九賦賚三軍驍
駘父馬徠如雲建華眊遏奔鯨奏銃旋錫邦
國寧

汴梁曲

伊洛亘衿衛沃楚開豫疆分茅席英彥信多
籌策良撫翼希天池抗志詠甘棠控縹蘭臯
側弭蓋椒丘陽夙夜撫嫠嫠閭閻交相慶輸
國有程度啓處安可違露冕入燕冀飛鷁黃
河津扶宮羅繡戶京室何煌煌引領三歎息
牽牛空服箱

燕山曲

彼崇崇者燕山北頰碣石祁連胡騎啾啾沸
天摧堅仗此佶閑翩翩霞布星躔冀產倣儻

權奇軍馱逸迅雄姿忘筌引鏡黃驪膺帝命
主治之濯龍歌萬福徠東方之日照垆服阜
騶翥鴻驚蹀足徒晞朔旌西馳瑤水冥冥寤
標仰惟聖明

昆明曲

浩浩昆明池乃在點蒼山陽旁有羅施故邦
螳附蟬聯寶瑟蠻髻參錯其間一解宣父居
九夷道大無不容白日灼幽崖窮髮漸華風
澆訛反天經由余諒非戎二解髮鬋着襦襜

礪刃馳且都投刃拜中丞謳吟挾詩書嫉巫
信醫日和以愉三解芄芄彼齊麥歲我蘭畝
培灌其勤齊麥亡嗣有循聖賢長道屈此群
醜臣心不負 陛下聖上有倉浪之天下有
孩提黃口四解

駘馬行贈別張侍御歸常州省母

駘馬驅河干飲餞相追攀駘馬驅河干飲餞
相追攀朱汗染月題玉珂鳴珊珊駕言將母
千里當何難歌以言之駘馬驅河干一解瞻

彼瑤水旁芝草何翩翩瞻彼瑤水旁芝草何
 翩翩采采盈懷袖盛平聲以白玉梓奉母駐容
 顏延壽千萬年歌以言之瞻彼瑤水旁二解
 象琯繞鳳梁芳筵樂未央象琯繞鳳梁芳筵樂
 未央青要素娥迭舞浩倡綵服延鮮風照耀
 白日允歌以言之芳筵樂未央三解

騷辭

弔許大夫文

大夫諱遠汝寧人始令樂陵討劇盜大

獲以功晉僉山東臬事寧邸宸濠蓄異
 志久朝論以大夫賢且才乃晉江西
 臬副俾制之至則首治其黨葉徐本之
 圖然勢且成矣既反即執大夫問焉大
 夫曰予惟有赤心爾豈從若反乎盍亟
 兵我又曰汝行當萬劓以臭萬世吾死
 則馨也遂見殺

閔大夫之偁辰兮扣斧鉞而商歌心惰結以
 涕洟兮何倉浪之幽遐紛既遭回而樹伐兮

身胡邈乎王家寇勁杓乎妖藩兮卒離身而
速化嗚呼恫哉兮大夫之純貞世途氛霾兮
翳維棠以爲明驅雞斯以守閭兮棄豨豨而
駕衡繫長離而斂之兮鬼車異爨爨而晝鳴謂
鈎吻爲飴兮謂羶湏爲馨犧尊棄于溷濶兮
衷龐涼以爲榮長門幽擯夫南威兮登礪廉
於魯城主伊臯以庖偏兮偕來革而迅征于
嗟夢夢兮惟荃之故釳階苔繡兮泥歲遵夫
鸞輅幽晦諱其膏肓兮拒斥俞跗躑躅夾翼

于臯與兮日懷寶而營富彼狡童亦何知兮
乃窺覩而干天步朋遊充以爲侶兮魑魅彙
其如林嘑白徒使血人兮鳴火狐而肆鴟音
辟童觸麋而首灰兮顧弘肆其毒淫萬艫銷
于一炬兮程吳凟而卒禽桎拳崩厥角之紛
如今飫珍穀夫何心維大夫之介特兮狡童
齧以爲仇進權梳而杖之扶兮荃又昧夫好
速俸寸鐵之弗持兮耿忠略其誰謀表丹忱
以就兵兮白日爲之匿幽嗚呼兇孽高張兮

鳳摧其儀羽神龍失憑兮乃噉于鼠巷哭且
暵兮傷我士女綵霞蜚兮玉輅舉風蕭蕭兮
神靈雨嗟世之知大夫兮維守死而不移余
惟追數夫荃兮登大夫之匪宜朝有黯而淮
南寢謀兮寔大夫之優爲苟維寄大夫以禦
侮兮又何至勤外部而陳師旣告旬以縣磬
兮聊以憫夫行路何大夫之同軌兮尚或疏
逝而齋怒謗大夫而憇遺兮固亦遵涂而窘
步汨皇穹之純佑兮何不改乎此度嗟佳治
之緯繡兮稽前修以皆然璠璣有棄而抵鵠
兮董龔有採而升筵董道構愍以不回兮眎
余袂之漣漣魂耿耿其在天兮亘宛虹之連
蜷塲黷尚其有極兮永與泰素而周旋

琴操

琴操三首有序

予尚友于鄉之古我者得師資焉於漢一人
曰董正伯和家于番禺通毛詩春秋明經爲
儒名士車遂自中原與居送遂喪還義動州

問黨錮禍萌徵不就公車清白之操始終不渝為之賦玄雲於唐一人曰張九齡子壽產韶曲江喪親致孝感能為文章拜翰林學士遂相明皇知安祿山終必叛唐帝任李林甫日憖于色荒貶九齡于荆卒可求傷為之賦荆山於宋一人曰崔與之正子為增城人起家參軍在在稱循登城諭叛卒宵懼而奔官廣南安撫澤于鄉民史彌遠廢立辭俸不行理宗命相疏十三陳秋菊寒泉娛老海濱為之賦菊泉夫貴富亡常貧賤斯安苟利國家一身皇恤鄉人之古我者如此於戲我猶未免為鄉人也其可不自救哉是用安歌命弦竢審音者採焉

玄雲操

油油玄雲蔽日之允有昏者椽持天之綱禹原臚臚可耕以粟駟馬高車無我囊三木若虞設羅色斯駮而彼巢于幕于嗟殆而

荆山操

我徂荆山歷彼林與丘大道坦坦我行夷猶
丘則有貉林則有麻我採我獵供我后裳與
裘匪裘裳也則無寒暑詒我憂嗟我后聖矣
國誰與預謀倚

菊泉操

菊之株挺挺兮匪則有柯兮泉之源龐龐兮
匪則有沱兮柯維其那沱維其波我嘯以歌
兮雖有蔽肉于以餐我菊兮雖有甘醴于以
酌我泉水兮匪菊之馨匪泉之清我憂如醒

兮

琴操一首贈別徐可大

岳峰子有古道者也陳我臬事且歸矣予
倣古聲以贈俾弦而歌之他夜琅然對月
其或懷我也乎

岳峰高兮石離之高賢藏兮民知之中有田
兮側有茨褐之父兮耕治之丞而雲兮倏而
雨雨滂滂兮峰之下田每每兮以禾黍雲兮
歸兮吾待汝

樂章

孝烈祠樂章二首

濮人宋顯章廬父墓備極哀惻劉寇起所
 過殘滅至其墓相顧曰此孝子也遂去之
 雖松柏亡翦者嘗為郡庠生試弗偶以卒
 卒之日妻辛氏慟哭以死自誓數日不進
 一溢米竟雉經焉知州李緝上其事于
 朝且立祠于董家口歲時祀之州人倪御
 史宗嶽俾予為作迎送神樂章

龜逢逢兮考鮪椒漿兮列蘭蒸五音飾兮鼗
 繡張瑱瑤席兮玉英管蕭炳兮拜以頰琴瑟
 奏兮雲舞南垓闕兮栢舟靈不徠兮夷猶驂
 泰鴻兮燭龍轡慶陰陰兮靈其有喜儵蕙帶
 兮荷裳又金支兮翠旗鴛鴦鴉兮靈之徠靈
 徠不徠兮我心悲

濮山隈佳兮濮水滲沈高賢愉愉繫孝而烈
 穆竝騁兮槃桓擊乘梓兮涕潺湲象輿轆兮
 愴容與靈臨饗兮福我士女矯揚光兮宴娛

永山則兮雲施般姚姚兮齋齋靈何爲兮淫
然逝寒霧縠兮窅冥冥山水夕兮含青春有
蘭兮秋有菊結無極兮芳馨

秦泉集

丙

五言古詩

情詩二首

玄雲冒北陸朔風銷繁林在葦歲律殫廣庭
多沍陰仰憎流景迅俯歎無完衾所思眇天
末欲往冰雪深寒鵲求其曹當欄遺我音翩
翩倏相逐望望獨傷心傷心不可極付此焦
桐琴

旭光射凝雪起望前楹東曾雲忽蔽虧蹙嘯

延緒風緒風無迴輪曾雲自冥濛佳人悵何
許天阻安可通暉日亦知晏螿蟲亦知冬營
魂抱區區佇立思奇容歎息詠其雨勞心夜
冲冲

學古一首爲人代贈

信誓願偕老綺筵當夕張蕙心美無度蘭鐙
明洞房柔情方日洽健翮俄風翔金門邈霄
漢玉音限何梁憂來拊齊瑟徧側中自傷人
生有離合世事安可常妍華化枯槁會見彫

春陽

歲暮言志一首

華年日婉晚隱几意不愜晞古思振纓撫時
淚承睫遙聞達術中車馬競馳蹀金張富熏
天漢貂垂七葉紛紛夸毗群蹇諤巨容接守
樸道所敦彌文世方業遺經如不售已矣事
畋獵

憂旱詞四首次周天保韻

火旻何肆兀頰霞倏舒歛陽岬卉漸腓陰畛

黍稷猶懷凌晨秉良耜屆午已重斫豐殷雖有
願蔗藜竟難展龜拆徧沮洳象耕失巖巘赤
子本誰責黃塵眯予眼下泉良可悟膏雨亦
云遠桔槔正紆急襍禩俄揭淺蹙嘯起長歎
司命孰回轉

端居揆天道回轉藉人理歌雪泊周典犧禱
懷殷祀靈鑒未云集甘澍難久埃皜皜咸池
升浩浩玄雲起光景方蔽虧怛靡終已重
陰闕閭闔阡術多荆杞幸此彌天澤貺我崇
朝喜魚龍恣瀆澍卉木紛旖旎駟焉不終惠
昭假竟誰恃

昭假嗟無端汗下如流汞長飈旦夕起萬里
火雲動仰晞灌木陰俯羨滌泉涌箕畢澹不
芒蔚蒼隤以聳積陽忽退舍有滄弗旋踵滲
漉洽壠壩菑穡被疇壟數極見仁憫望愜免
疑恐亮非牲玉感尚覺蘊隆重誰能揮龍淵
爲我刑黠竦

黠竦不可指矧可刑使雨氛侵未詎銷霖澤

自爲阻燮調付茂宰陶鈞自明主天居崇萬
里齊州隔九土薦馨維齊明厚生在農扈噴
雷怒未平場苗青幾許龜腸營一食鶉衣成
百縷頗聞禁苑涼鳳吹導鸞輅夏來奏虞弦
操縵且調柱

贈黃子令浙水

沐浴際嘉運王路方清夷九重軫民瘼推擇
爲吏師夫子受靈眷宰邑撫婢嫠露冕浙水
春銀章有允輝種花當使滋澤民當使肥中
心發陽和潤野成良畦灼灼崇桃枝健翮聊
假栖一朝風雲合當爲鴻鵠飛

送丘子令餘姚

車蓋集宛洛愛子能久要覽此允熙運奮翮
揚英翹綰綬宰花縣飛鳥凌雲霄別子問何
時朔風驅玄濤落葉歸本莖茂松見後彫君
子秉貞性豈爲寒暑搖援琴奏清商悵望心
煩勞孤鴻遵脩渚別鶴唳遠臯慙歎伏尊簋
於焉永今朝

送盱令奏凱北上

弱植抱匡濟宰邑充有孚妖藩構天禍奮身
被縵胡談笑翦鯨鯢志與白日孤長風激西
江勢彼烏林謨奏凱赴 皇闕裨海皆歌呼
鼓角聲遏雲組甲允載塗行當何寵靈千載
昭令圖

送劉子養和督學山西

金風鳴素節嚴霜肅中壩新豐木葉脫霸漣
寒波生送君郭門道銜命戒晨征飛幟指

坂落霞隨旆旌陳臬在風教晞古當振纓堯
宮土華碧舜山烟草平相期闢皇路爲君詞
德聲

湛子宅夜讌和呂子仲木邊爐詩

圍爐坐寒夜嘉賓愕以盱朱火光吐日陽龢
滿前除衆肴歸一器變化斐然殊食美且需
熟充實諒由虛妙悟得同志攬環誓相於

雲州隱居

結廬天水交菰蒲斷人境水氣蒸爲雲搖允

混波影清飈驅雲去淨綠澄萬頃心隨游鮒
適目送狎鷗迴卷舒悟世理流動入神領舉
觥揮碧寥浩笑策飛景與君論大年龜鶴未
爲求

遊李將軍梅園呈同遊張廖童三子

招尋出秋郭蕭晨恣游冶涼飈連天末紫翠
滿平野駕言稅梅園水竹自幽雅方舟散鷺
鷺通川入桐櫂興乘虛籟發目送驚湍瀉雲
飛答流諷川泳避揮竿盤紆極展眺塵踪儻
瀟洒微茫高嶼外隱映暮霞赭營懽恨晷速
顧景不能舍今日迺何日勝引得陶寫達士
謝溟滓浮榮譬風炮文案苦纏糾况復役車
馬緬懷區中人亮志良已寡

伏讀

今上即位詔有述

皇穹新泰運 帝蹟發郢甸謳歌仰玄德恭
默受靈眷甘澍從寶輿瑞日麗瑤殿宸景旣
昭睭慶宵亦葱蒨得一天下理吹萬群情抃

渥恩流宇宙絲綸迅風電扶聽走衰白喜極
淚成霰 毅皇昔開邊寓內輪蹄徧大阿忽
所持羣妖競方煽虐焰然不息豐鎬失詒燕
悔從黃竹萌痛自烏弓戀亨屯出雄斷体否
席耆彥布濩神武震灝噩人文絢奸如轉石
去賢用拔茅薦外圍事橐戢內帑發餘羨鴻
猷悉以舉丕構從此奠非心在黃屋恫瘼惟
赤縣煌煌嘉靖治不厯鬼方戰崇極得辭圮
宜民見通變稽首誦 堯言萬代永如見

掄材赴公讌作

掄材受 明詔躡步金馬門清塵接台衮影
節追華軒高讌春官署序爵列長筵殺核一
何綺桂精映蘭鐔方懷失士懼敢營酬酢歡
金玉贊王度化成肇人文引領睇 皇居紫
氣騰玄間聯翩謝 慈惠稽首復何言

春院試士二首

春院寂以迥魚鑰何重重哲匠賁嘉運海鏡
開昭融華鐙照藻服虛堂流夜虹豐膳侑清

觴有集惟俊雄入帷見素月鳴枝懷緒風天
心同靖密坐待虬漏終褰衣拂鞞矯望明
河空協極待群彥道合時乃雍安得翩翩羽
接翼鳴高桐

冀產多龍驥荆山饒竒璞未懷蘇氏愆願騁
孫陽目擁衾盤礴羸秉心向明燭朝餐青玉
案暮御流黃幄衣緼甘食苈於焉愧珍穀誰
令鈞棘習回瀉見熙穆偉矣歐陽子千載仰
喬嶽

出京別親友三首

絜身遊魏闕周旋未言殫天衢何崇崇短翮
思飛翻賴我金蘭友婉孌同所歡銜恩負羈
綫遙役指岷嶓威蕤集端委璀璨紛盤飧朝
車發朔塗莫舟泊河干褰袵自茲去佇立懷
辛酸矯矯飛鸞鳥奕奕彤雲端會長不自慶
別促空成歎

秒秋天地肅玄林嚴風發嗷嗷宿鴈起萬里
黃雲没行子懷越都胡馬嘶燕月佇立睇川

原川原莽空闊樹萱亮有懷食芹曠未達况
茲別親賓何由慰飢渴昔爲駉與斬今爲弦
與箏

駢服本同駕葛藟亦相因辭家忽五載良朋
成密親貞心秉金石綺言麗蒼旻終始誓不
渝輝允期日新歲月不我留鷓鴣鳴蕭晨驪
駒方載路萬里違音塵志氣恒相孚異縣猶
同人行矣各自勵修名良足珍

登衡岳值風霧至絕頂忽霽感靈貺賦

二十韻

炎德殿南戒玄功協北祇大哉祝融祀邈矣
陶唐時錫民溥鴻澤翊國隆駿基明明翼
軫列滔滔江漢馳屹柱立乾棟連絡亘地維
衣帶縈三湘嬰孺撫九疑攢峰鎖蒼霧標嵐
橫綵霓青玉固葱蒨朱陵亦歲蕤茲山擅雄
峻伊予嗜靈竒停艦諧夙願影節隨所之仰
探丹鳳穴俯見玄豹岬冥濛苦氛祲窈窕多
路岐皎鏡雪方積虛壑風何悲豈知凌絕巘

及此娛晴曦歛吸竭靈景混茫開太儀烟靄
散林薄雲沓溢川坻平厓少延佇窮髮皆可
窺振衣望郢甸披雲辨京圻如彼朝陽鳥跂
爾梧樹枝整翮自茲去翱翔本無期

濂溪

真儒去代久一畝存遺宮濂泉冽不食旦夕
寒滾滾芙蓉謝沕彩卉棘紛蒙籠烏鳥聚喬
木噉噉鳴積陰依岩見樵爨駐轍聞村春日
晏牛羊下秋高禾黍豐溯源曠無人沿洄焉

所終塞予勇言邁杖策安能從精靈諒斯在
沕穆相爲通際昔宋中季皇流疊褒崇披雲
起結構洒翰盤蛟龍霽月輝朱綬沕風搖瑣
窻誰令坐消歇吾道曾何窮

月岩

驅車冒靈雨月岩訪幽竒引顧穹壤間見此
兩鬱儀蟾兔耀白日神工開翠崖金波互盈
朒玉輪中渺瀰消長瞻世變弦望通天時廣
筵得明牧脫幅忘塵羈葭鳴虛籟起杯深靈

景移因之發長嘯風生叢桂枝

送秦刑曹之留都

瞻彼長淮水上有孤鳳臺驅車發朱夏岐路
何恢台淑問晞臯陶振纓感我懷我懷草昧
初經綸協雲雷晉接有遺構豐芭多良材粲
粲琅玕花亭亭倚風開昊穹正玄邈孤鳳何
時來

蓮亭奉南渭王宴中作

苑園啓瑤構靈沼競芳鮮蓮花何曄曄蓮葉
何田田耀魄汎空波神飈起中天馨香入襟
袖把酒心茫然懿此出深滓素質虛以圓本
無枝與蔓何懼外物牽緬懷君子德冥心入
冲玄嘉賓從南來浩倡協虞弦閭閻一以阜
民愠從茲捐徽音徹穹廡清歡眇雲煙思爲
雙飛鶴接翅浮漪漣

大興隆寺小集贈別盧侍御堯文分韻

得冕字

孤飛思比翼獨行願同輦自我違良友契闊

情不淺京洛期合并江淮悵悠緬今夕乃何
夕及此會軒冕寶瑟延素月金罍耀芳宴問
子何所爲令猷日允闡乘驄訓青衿雕龍理
黃卷譬彼荆山璞追琢盡成琢采蕭固三秋
藝蘭亦九畹洋洋清商闕宛宛車輪轉脉脉
銜離憂惻惻增婉變潞渚肅清漲秣陵望丹
巘自非南流景何繇知近遠瑤華遲爾音瓊
樹跋余蹇千里通精誠願言各敦勉

秋日登萬歲山不果至瓊華島遼后妝

樓而返與張廖二子同賦分韻得登萬
二字

玄天臨析木白雲出丘陵皇居阻通軌神池
閔清激翠峒紆歷覽瓊樓恣攀登陽陸日月
迴陰厓雷雨憑瑀闌綴碧蘚藻井巢蒼鷹炯
戒鑒夷夏端居思廢興飛狐已迢逝疏龍尚
軒騰宇宙席休運人神歸聖能同遊集軒冕
縟儀崇股肱虹橋架鰲炬星旗翼鸞乘靈踪
固葱蒨秋霜正嚴凝撫化愔遐景覽物懷堅

冰長嘯倚林數浩歌望觚稜虛籟殷珠樹涼
飈搖玉繩茲遊信有適誰言殊鷓鴣

青梧飄素秋烟霜變昏旦所忻天地肅適意
山水翫眇默循玉闕威遲度金澗長虹浮大
川積翠亘天半瑤甍拂台斗綺窓瞰雲漢丹
梯指遐坂黃圖入英眇鳳京環百二鵬宵翻
九萬風起雲嵯峨日耀樹凌亂昔聞青娥妝
今見碧草蔓採蓮無緩歌握蘭有遺歎淋池
翔玉鳧芳洲宿朱鴈蹇予及朋好羨爾遊波

瀾謔浪金門隱淒其廣陵散扣閨詎有遇蹇
裳庶無悶緬懷岩桂叢徘徊歲將晏

聞汪侍讀奉命校書建陽詩以奉詒

矯矯鸞鳳姿翩翩出蓬海吐卷嗟已塵銜甲
今安在姬壇又零落孔室沉允彩振翮時一
鳴人文朗千載緬邈閩嶠東瀟洒辭鴛鴻而
我詠苞栩騁望愁烟空蕪葭下玉露橘柚搖
金風因之感搖落征心夜冲冲

十六夜補之席上賞月分韻得水字

長風吹燕樹月色浩如水華堂撒明燭飛軒
集同軌金波散牖戶瓊筵一何綺興隨虛籟
發歌逐流雲起清輝雖可悅虧盈自茲始人
事有代謝况乃幽玄理惟恐秋已深嚴霜被
蘭芷默坐聞疎砧孤懷渺千里

學古三首贈胡承之歸關中

翩翩雙鳴鴈噉噉雲中飛娟娟蛾眉女札札
流黃機棄置不成匹嘆息減容輝問女何所
嘆良人悵有違萬里遙相望何由接音徽
樓鑿素月蘭鐙暖虎幃身非驂與服安得同
車歸河清尚可俟會合何可希臨岐奏此曲
淚下誰能揮

巾車返初服凌晨發京洛引顧咸陽道雲山
互參錯威夷眇三塗嶽岑辨二岳草樹鬱仟
仟溝塍紛漠漠霞日映宮雉明滅見城郭行
子歸舊疆園田懼蕪落莊生傲柴柵臺公願
藜藿已蠲原憲耻無論啓期樂道因儻來悟
心泯然疑作達士有遺矩卷舒在龍蠖

玄冬服織纒不若貂襜褕新知雖云樂不若
故人姝華軒豈不美休休惟故居故居乃何
所乃在秦城隅山泉環戶牖樹木何舒舒間
簾見栖鳥臨淵羨潛魚孤菊揚其英芳草不
復除適意向井曰陶情在琴書此生諒已得
不樂將焉如

八美詩八章章八句美同館八君子也
分攜眷戀聊宣別情云爾

張侍御補之

水南鸞鳳姿栖心向丹青蘭臺聊大隱塵埃
視金蠅詔我一束詩粲粲英瓊瑤容輝在寤
寐鄙恡猶自銷

張太史文邦

龍湖蘊神奇豪爽絕今古性不纓垢氛嘯傲
對珪組存身貴深蟄借時乃施普炳炳金腹
言銘之在衷腑

葛黃門子中

魁山冀方傑博雅能沉幾振纓願匡濟握鏡

通玄微申章吐芳訊煥爛雲霞飛行矣掩瑤
瑟知音良已希

趙黃門信臣

洪洋秉清真胸次無塵滓高卧烟山春倏為
蒼生起裁詩最清絕秋月照寒水臨岐懷好
音軫念林居子

楊中允達甫

方城甲天下靈氣鍾神州寒譎斥奸佞譙允
遇王侯青冥翔健翮白日縣方猷喟焉傷別

促采蕭詠三秋

廖太史鳴吾

廖子謝白鹿英聲振金馬揆天摘雄詞星辰
絃九禁鳥藻競馳目驪珠逐盈把嗟余寒且
拙末由追大雅

鄭黃門九萬

鄭公不勝衣見義奮直前日月勤獻納忠憤
思回天芸閣昔講肄器重余獨先誦抑師衛
武終身知寡愆

王太史允興

蘭陂何温温璠璣美無度遇事類遲鈍潛心
絕馳騫六籍究萬微績學日宏富燕郊獨送
遠離情滿豪素

遊通天岩同林二山憲副作

石林展奇眺飛幟遵崇阿翠壁中洞開雲日
相盪摩桂戶頰瓊闕花宮敞銀河四顧絕埃
壘顛氣流靈籙披襟倏蕭散盤礴興嘯歌陶
陶隨所適野酌依烟蘿皓月照堤柳微風揚

澤荷寒帷自茲去真賞豈在多

白沙新祠二首

尼山日雲霧嘆息彌軫情萬有何芸芸虛完
本中肩好古遺直筌乃爲耳目營所以林居
子持此常惺惺嗟彼芷與離不同春草榮玄
穹正搖落辛勤薦芳馨

崇祠倚雲漢影纓陟遐坂蕭蕭木葉下冉冉
歲月晚貞元無停轂端坐知易簡環顧望九
州天遠一何坦黃鶴去不息白雲何時返

同年會以新秋同年雅集爲韻六首在
會者顧僉憲溱劉僉憲喬余給諫經梁
侍御世驃倫侍御以諒及予也

南紀肇秋序金飈動高旻今夕乃何夕讌笑
成陽春顧劉憲度肅余梁鳧藻新倫子材卓
犖俱稱華國珍媿予澹蕩姿海鷗竟難馴
明月滿庭幽照我紫綺裘攜手步明月舉白
交相浮歌聲浩無倪颯颯松桂秋情隨玉山
倒興逐銀河流五君顧我笑真成鵬鷁游

粵客鳴絲桐商聲出瑤空始奏天地肅再奏
煙霜濃萬里又爲別一尊今始同願排十二
翮乘雲扈飛龍三星在丹牖可以明深衷
落落荆山瑤輝光燭中天舉舉同聲友五彩
蔚相宣舒嘯擬鸞鳳搖筆生雲烟玉壺酒易
滿金樞月難圓對景不盡意應嗟離別年
海濱集群彥蜚英振風雅對月成七人可以
當作者顧予忝嘉招瓦缶混瓊瑩天長去鴈
迥霜急飛梧下因之感搖落忘情共陶寫

碧山金琅玕綵鳳日翔集氣誼有不同咫尺
寧相及主歌白駒勸賓賤長鯨吸醉來願天
游海月期俯拾褰衣渺然去玉露沾塗濕

避暑矩洲書院與歐陽憲副汪少叅黎
倫二道長王主政同賦得矩字

招搖出西郭宛轡臨芳渚浮陽耀原隰凱風
動禾黍伊人不可見中坻敞衡宇開軒游鮒
適卷幔賓鴻舉顧我平生友茲焉澹容與肅
肅嘉樹陰行歌謝徒旅晞髮散煩燠蜚觴對
靈雨好樂無太康先民有遺矩檐帷難久淹
虹橋屢延竚嗟彼鳧與鴈安知慕儔侶

秋日登鎮海樓有作呈同遊東庵徐憲
副顧小涇劉魚洲二僉憲

飛樓鎮重溟鑿翠倚太清翩然彩雲上玉京
連五城綺戶環日月丹梯殷雷霆秋風左右
至松檜皆金聲留連紫霞賞慷慨滄洲盟俯
視几席下茫茫盡塵纓鰲極莽安在鯨波浩
難平

遊粵臺與方棠陵倫右溪王象川倫彥
蕃同賦得覽字

精廬展良晤勝地紆玄覽舍輿躡風磴聯袂
度雲掩粵臺一以陟遠翠紛可掣瀟瀟雨初
霽冉冉日欲晡川光溢寥廓野色開黯慘長
謠出金石英論照肝膽於焉謝羈束何必理
鉛槧沉冥聖所珍傲睨吾豈敢憑憑林悟榮悴
步壑玩流坎霸圖有遺跡因之動遐感

泰泉山中二首

清曉遲來客采芳從岵間織鳥忽飛動蒼松
澹然閒回顧丘中雲爲我封柴關風吹唐棣
花灼灼翩哉翻怒焉抱飢渴默坐愁烟山
流水出深澗飖風送啼鳥邂逅問樵客薇蕨
今多少行歌去不顧倏在烟蘿表鷓鴣各有
適耳目暫無擾緬懷區中人營營自昏曉

贈吳白樓學士展墓歸蘇州

雲海縱飛鱗風林戢歸翼委質贊王猷胡廼
懷家食端居揆物理去住各有適而我違松

秋感歎靡朝夕肅穆戒徂兩天惠流丹極揚
旌潞河外稅駕崑山側緹兌發芳甸積雪成
春澤應時須哲匠因之感行色蒿宮承日耀
扈閣凌天闕戾矣母優游皇情軫明德

六月于役西江感群公餞送有作

西江肅 王命衝炎柰蘭舟陳臬有程期將
毋不敢留軒車遠相送悵別情綢繆朝發沉
珠浦夕宿拾翠洲靈風吹柘旗海天浩悠悠
顧見肅肅羽與波競沉浮奇雲混高山豐草

翳層丘自古負羈絀我何懷殷憂

桂山

桂山何高高高高可肩岱宗秀色灑百粵玄匠
開萬峰恍如躡孤鳳鷲鳥翩然從又如乘雲
槎星潢浩溶溶風迴玉琮瑋日射金玲瓏珠
樹徧岩穴仙聖留靈踪我欲轡羲和珮結蒼
精龍莪冠朝太清獻此青芙蓉天長綵霞遠
歲晚蒼烟濃長嘯倚盤石笙竽滿杉松

蔣少傅約遊湘山阻雨不果招陳宋卿

同讌湘臯書屋

湘山韞奇秀浩然歌遠遊晞髮思春陽衆芳
夢曾丘星車夙言駕六轡一何柔密雲翳扶
木蜚雨洒道周亮無精誠格皇穹浩悠悠弭
節升公堂綺筵羅玉羞晤言獲飽德良友副
所求彈冠謝薦達緩帶成淹留蓄鵠拚拚飛
所覽在九州而我方求懷山川空阻脩自非
采蘭杜何由結綢繆願迴燭龍照庶以寫我
憂

道州何司空席上作

司空修禹績聲華藹孤騫皜皜荆山玉虹光
燭中天春陵雨新霽延我於丘樊卜築在蒼
翠架構依巔岼琴書一蕭散遲日滿前軒和
風汎煙際有鳥鳴樹間但覺清尊滿不知斟
酌繁閒堦玩流水踈籬見遠山遲迴步苔徑
盡我平生言

三至軒爲陳高吾中丞

提提高飛烏羽儀耀臺端顯顯高吾公德威

爲世觀章江三弭節不辭道路艱旄倪見公
至煦媮成歡顏章江東流去城郭何鬱盤臺
中啓華構桂戶撩以蘭祥鷄仰迢遶賀燕來
翩翩豈爲麗丹艸芳馨良獨難端居揆時運
晤言及湖山邂逅適我願悵別起長歎

浣俗軒爲孫德謙

冥鴻避矰繳威鳳栖琅玕呼洵埃壒中誰能
迴羽翰浮榮逐不舍乃見掇危患嗟古賢智
人天遊恒閉關右閉關求我志出即事廊廟

文案雖糾纏音微自高妙玄珠翳紺淵晶熒
有餘耀朝市藏大隱振纓可同調右同調子
鳴鶴異臭誰斷金皎皎嘉石陽肅肅棘樹陰
循除聽流水釣簾見鳴禽嘯傲層軒內聊用
洗我心右洗心寔稽古攫名非埃命利本競
錐刀色能讓千乘義欲在丹書聖狂有明鏡
懿維皜不滓芙蓉秉貞性右貞性本自敦廼
爲薄俗移驅車出門去擾擾多塵緇濯足蓬
瀛流晞髮扶木枝俗累自茲浣天衢以爲期

洮水

驅車至洮陽山川互盤紆淮南征戰後衣冠
滿郊墟好鳥鳴青林交交如自娛問女遊何
所戢翼方踟躕湘沅自南北人生無定居乘
土陰以雨何由能拮据隨陽媿鴻鴈逐美憐
駉驢託身苟得所不樂將焉如

衢村書屋三首為范憲副題

天衢何坦坦乃在東甌陽和風蕩原隰戴勝
鳴高桑課耕有餘閒擊缶歌慨慷世途方好
徑而我循其常車馬帶傾覆貧賤起不
見陵陂麥千載同感傷

天衢何坦坦乃在東甌隅主人薄言歸豸服
亘長陌逝者每如斯守真在冲默好盈非所
知適意即安宅草木咸懷新吾亦欣有得何
必凌青冥羨彼雙飛翼

天衢何坦坦乃在東甌隅主人薄言歸豸服
紆金朱杖策玩魚鳥下帷理琴書舉俗愛芬
華誰能有此廬退耕混沮溺出即衛皇輿白

雲蔚高山浩然懷卷舒

嚴州孟太守去思亭

魚龍召風雨仁義徠蒸民有感豈不孚所貴
惟道真顯允孟夫子爲邦善經綸陽餼一以
播弦歌日莘莘至今輿人誦惻惻懷二親稅
履表遺愛危亭瞰通津嚴山石齒齒嚴水波
鱗鱗水石會銷歇景耀垂千春

